



2417	<u>in. S. J.</u>
2418	<u>in. S. J.</u>
2419	<u>in. S. J.</u>
2420	<u>in. S. J.</u>
2421	<u>in. S. J.</u>

9 73

391550 III




391591 -

391600

III

924

5866



4
12

Inter Illustres Magnificos *Wilcze-
wskie* Conjuges Succamerarios Sa-
cræ Regiæ Majestatis, & ex Palati-
natu Marienburgenfi Deputatos
ad Tribunal Regni ex unâ,
& inter


*Prænobilem Magistratum Geda-
nensem parte ab altera*

Decretum 1763.

LUBLINI.

391598

III



Actum Lublini in Judiciis Or-
dinariis Generalibus Tribunalis
Regni FERIA tertiâ post Festum
Sancti Francisci Confessoris pro-
ximâ Anno Domini 1763.



Judicium præsens ordinarium generale Tribunalis Re-
gni Lublinense ad affectationem partis, cujus
interest, Decretum infra scriptum inter partes
inferius nominandas sub actu supra scripto pro-
latum ex Prothocollo Decretorum Judicij sui
tenoris ejusmodi inter Illustrem Magnificum
Wilczewski Succamerarium Sacræ Regiæ Ma-
jestatis, ex Palatinatu Marieburgensi Judicem Deputatum, tum Illu-
strem Magnificam Mariam Gertrudam de Wittert Wilczewska, Wil-
czewskie Conjuges, atque Generosum Zeleski, actores per eundem Ge-
nerosum Zeleski suo, & supra factorum nomine personaliter, Judicium
&c. Quoniam Prænobilis Magistratus novæ Civitatis Gedanensis, &
alii causæ infra scriptæ complices sufficienter convicti, trinis infami-
arum condemnationibus, videlicet primâ Sabatho postridie festi Sanctæ
Agnetis Virginis & Marthyris, alterâ, feriâ quartâ, ipso die Cinerum
in lucro ulterioris ultimâ, feriâ tertiâ post Dominicam Lætare quadra-
gesimalém in lucro ultimariæ, anno præsentis, 1763. in Judicij Tribunalitij
Regni Petricoviensis ex parte Illustrium & magnificorum
Francisci, & Gertrudæ de Wittert Wilczewska & Wilczewski Suc-
camerariorum Sacræ Regiæ Majestatis, & Judicum Deputatorum ad
Tribunal Regni ex Palatinatu Marienburgensi Conjugum, & Generosi
Casimiri Zeleski obtentis esse deducuntur.

Proinde Contumacia ejusdem Magistratus non attenta *inhærendo*
Constitutionibus Regni de Securitate Illustrium Magnificorum Deputatorum an-
no 1667 & 1726. in causâ violentiarum forum Tribunale Regni Rege-
strumq; terminorum, factorum, cum omnibus cujuscunq; statûs & con-
ditionis personis præfigentibus,

Parti actoreæ videlicet Illustribus Magnif: Francisco Wilczewski Suc-
camerario Sacræ Regiæ Majestatis, Judici ad Tribunal Regni ex Pa-
latinatu Marienburgensi Deputato, & Gertrudæ de Wittert invicem
Conjugibus, ac Generoso Casimiro Zeleski negotium inducere mandat,
in inductione negotijs resolvendo remissionem ab Officio executoriali
ex fundo bonorum Pruska Karczma vocitatorum ad sui Judicium pro
decisione factâ, teneri ante omnia partem actoream inquisitiones ex
parte sui vigore Decreti Tribunalitij Judicij præsentis eductas repone-
re censet, idq; instantaneè.

Et quoniam pars actorea easdem inquisitiones Lublini coram Illustribus, magnificis iudicibus ex stuba judiciali delegatiseductas, & super incorruptorum testium per partem actoream comprobatas reposuit, satisfactione hoc in puncto adinventâ negotio introducto per suum iudicium exaudito ad legendas easdem inquisitiones accessit;

Quibus lectis maturâq; deliberatione discussis & ponderatis, siquidem tam ex ejusdem inquisitionibus, quam & ex præsumptuoso Magistratus Gedanensis Processu terminis, primo decimâ quartâ Julij, altero, vigesimâ tertiâ ejusdem, tertio deniq; septimâ Augusti anno præterito 1762, Illustri Magico Francisco Wilczewski Succamerario aulico Sacrae Regiae Majestatis contra prærogativam legum publicarum hoc in passu sancitarum exportatis, atq; ex arroganti Decreto cotumatiali Vicepræsidis Gedanensis, nec non manifestatione ejusdem Magistratus Gedanensis per Agentem Joannem Jacobum Salamon coram actis civilibus Stumensibus die octava mensis Novembris anno præterito 1762. manifeste patet, Famatum Jacobum Ohl Textorem sericeum pro laboribus ejus, & quibusdam merces sericanas extractas ab Illustri Magnifico Wilczewski summam trecentorum unius floreni pruthenicorum prætendisse;

In vim cujus summæ Illustrem magnificum Wilczewski eidem textori centum florenos persolvissè, residuitatem vero ducentorum unius floreni proprio comportando Registro ac liquidatione eundem Illustrem Magnificum Wilczewski post nundinas Gedanenses Dominik dictas eidem textori solvi declarasse, hæcque declaratione eundem famatum Ohl textorem contentum fuisse, brevi tamen tempore, nescitur cujusnam fomentatione gressus suos ad Nobilem ac spectabilem Gabrielem Weichmann Vicepræsidentem cum quærimonio, acsi de sui injuria direxissè.

Huncque spectabilem Weichmann Vicepræsidentem non observatis legibus regni, actorem sequi forum rei disponentibus, quin imò vilipensis *Constitutionibus Thorunensibus annorum 1520, & 1538*, ac ipsamet Ordinatione Civitatis Gedanensis 1526, distinctisq; *Constitutionibus Civitatis Gedanensis præscriptis, & in Comitibus Varsaviensibus anno 1570 confirmatis*, aliisque quàm plurimis & præsertim annorum 1633, 1654, & 1659 *Constitutionibus spheram Jurisdictionis Civitatum, & præcipue majorum Prussiae clare & rigoroſe circumscribentibus, etiam distincto articulo, Officiales aulicos Sacrae Regiae Majestatis à civitatum Jurisdictione eximentibus*, solâ tantum modo arrogantia & absolutâ potestate Prædominationeq; quodam præsumpto actoratu in contemptum & despectum statûs eminentiæ Nobilitatis & Prærogativæ Illustrem Magnificum Wilczewski Succamerarium aulicum Sacrae Regiae Majestatis [nomine, rebus gestis, possessione, ac meritis in Republica, terrisq; Prussiae à prædecessoribus suis distinctum] ad instantiam prædicti Jacobi Ohl respectu ejusdem prætensæ ducentorum unius floreni quotæ terminis supra annotatis typo expressis civibus tantum congruis per Bedellos suæ Civitatis exportatis ad iudicium suum Civile Vicepræsidiale citari permisissè.

Et cum eodem illegaliter & evocatione citato circa tuitionem Legum obſtante, personaliterq; explicante, satisfactionem tamen tempore assignato declarante; Imminentibus autem Comitibus Electionis Illustrium Magnificorum Iudicum ad Tribunal Regni Deputatorum Stumam

nam pro eisdem Comitibus proficiscente, & eadem Comitibus Electionis suae, qua iudicis ad Tribunal Regni Deputati obeunte, Decretum solutionis ducentorum unius floreni, una cum poenaltate dicta strax Quadringenta florenorum per Jacobum Ohl praetensae contumaciale illegitime promulgasse.

Reduce quoque Illustri Magnifico Wilczewski moderno actore ex eisdem Comitibus Palatinatus Marienburgensis jam Iudicem ad Tribunal Regni Deputato electo, supra nominatum Nobilem ac spectabilem Gabrielem Weichmann pro tunc Vicepraesidem spectabilem Henricum Martinum Rittich sui Officii Vicepraesidentialis scribam ad supradictum Illustrum Magnificum Wilczewski Iudicem Deputatum, Residentiamque; Ejus cum Gratulatorio eminentis functionis Deputaticiae ad Tribunal Regni complemento, animo tamen exequendi sui Decreti contumacialis cum ejus denuntiatione seu potius publicatione supermississe.

Supermissum vero eo in primo passu de Legibus Regni & securitate tam Domuum nobilium, quam Illustrum Magnificorum Deputatorum ad Tribunal Regni contra invasores sancitis, tum etiam de illegalitate Processus evocatorii ab Illustri Magnifico Wilczewski informasse, satisfactionem instantaneam ducentorum unius floreni spectabili Ohl pertinentem declarasse, nunquam tamen Decreto Vicepresidiali, & poenaltati ejus subesse spondisse.

Nobilem vero & spectabilem Weichmann his omnibus calcatis eundem suum scribam cum quinque Bedellis civitatensibus de forti finali & indilatâ supradicti ejus Decreti sui Contumacialis executione admonitis, & obstrictis, iterum ad praerecensitum Illustrum Magnificum Wilczewski residentiamque; ejus delegasse.

Hosque delegatos impertinentissime sine omni discretione & respectu, imo magis violenter instantaneâ Decreto Vicepresidentiali satisfactionem propalasse servatoria in conclavibus existentia exstringere & res sequestrare voluisse, verbis calumniosis Illustrum Magnificum Wilczewski Iudicem deputatum affecisse, ex his rationibus Illustrum Magnificum Wilczewski ad impetum & defensionem sui commovisse, in eoque defensione supermissum Rytlich & Bedellos de Residentiâ Illustris Magnifici Wilczewski repullos esse.

His subsecutis eundem Gabrielem Weichmann Vicepresidem sumptâ de ineffectuatâ executione notitiâ majore accrescentiae iracundiae una cum mentionato Rytlich sui scribâ ad Nobiles & spectabiles Praesidem Proconsules, Consules, totumque Magistratum ad conspirandum in aggravationem Illustrum Magnificorum Wilczewskich Conjugum se se contulisse, hosque omnes una Sufflatos arrogantiam Praerogativam Nobilitatis, autoritatisque; Illustrum magnificorum iudicum Deputatorum Legesque; Regni contemptu ad unum facile colimasse, initoque mutuo detestabili Consilio & praecedente assensu totius Magistratus spectabilem Patzer militiae suae Gedanensis praefectum una cum quinquaginta militibus armis instructis ad violentam super invasionem Residentiae Illustrum Magnificorum Wilczewskich disposuisse.

Eundem vero Patzer Praefectum cum additis sibi praefatis militibus execrandum Magistratus Gedanensis Consilium, & licentiosum ejus

prosequendo mandatum Residentiam Illustrium Magnificorum Wilczewskich circumdedit, imprimis adscitos milites portas Ballastrias circa Residentiam Illustrium Magnificorum Wilczewskich obducentes vi frangere conatos esse, tamen in eo praesumpto frustratos successu [cum ad mala peragenda saepe pessima non desunt Consilia] praedictum Patzer praefectum per fenestram Benevolentiam & beneficia ab Illustri Magnifico Wilczewski sibi praestita propalasse, erga Personam Illustris Magnifici Wilczewski addictissimum a corde amicum clarificasse, ac in verbo heroico & charactere honesto nullam Illustri Magnifico Wilczewski eveniri violentiam aut injuriam, imo omnem observantiam & respectum spopondisse, ut solus in Lapideam Residentialem conferendi gratia immittatur expostulasse.

Illustrem vero Magnificum Wilczewski sponsioni heroicae confisum, & nihil sibi mali eveniri sperantem eundem solummet Patzer Praefectum in Residentiam, & conclave sui immitti permisisse, eundemque primo remonstrationibus praesumptionis & pertinaciae Magistratus, ex eaq; eveniendi cujuspian mali, quotas supra recensitas primam ducentorum unius alteram quadraginta florenorum in vim poenalitatis ab Illustri Magnifico Wilczewski emunxisse, & ad se recipisse. Sic quae instantibus rebus sopito totaliter negotio Illustrem Magnificum Wilczewski fores referari jussisse.

Sed modo magis excrescente dissolutorum licentia hunc ipsum accordatum Patzer militiae praefectum Illustrem Magnificum Wilczewski repentinè a tergo proripuisse, moxq; accursum militum ad accipiendum atclamasse.

Illustrem Magnificum Wilczewski se se salvantem in defensionem sui sclopetum arripuisse, infelicem tamen evitando casum hoc idem a se rejecisse.

Praedictos quoq; Praefectum & milites super personam Illustrium Magnificorum Wilczewskich ore & manibus omni omisso respectu & humanitate sed magnâ impertinentiâ sevisse.

Illustrem Magnificam Wilczewska praegnantem graviter protrusisse, personas distinctas ad prandium invitatas pro tunc praesentes conturbasse, aliasq; repudiasse, Illustrem Magnificum Wilczewski judicem deputatum captivum de Residentia ejus omni vi exturbatum, ipsis meridianis horis per plateas in spectaculum adstantium & transeuntium hominum opprobriorum, vero & despectuum status Nobilitaris suaeq; protervae jurisdictionis praesupinam jactantiam detecto capite violenter & tumultuatum circa concussionem, vociferationes calumniosas & scommaticas ad carceres criminalistarum Katz dictas traduxisse & intrusisse, ibidemq; pro custodia militem cum evaginato Gladio addidisse.

His omnibus non contentum Magistratum Gedanensem, iterato ad Residentiam Illustrium Magnificorum Wilczewskich, ipsamq; Illustrem Magnificam Wilczewska consortem eosdem Patzer & milites armatos supermisisse, supermissos furiose super omnia conclavia Residentiae Illustrium Magnificorum Wilczewskich vagasse & exorbitasse, ad Illustrem Magnificam Wilczewska pro tunc debilem ex eademq; nefanda historia in lecto aegritudinis decumbentem furibunde advenisse, personas distinctas pro tunc ad has Violentias concurrentes verbis duris &

varijs

varijs impertinentijs, tum Illustrem Magnificam Wilczewska furibundis repetitis vicibus disturbasse, ab eademq; mille florenos pruthenicales in vim ac si subalternæ poenalitatis & de carceribus Illustri Magnifici Mariti exemptionis extorsisse.

Et eidem tam perprimitivas quam subalternas Violentias periculum Abortus & mortis ac causam prætempestivi partus tam inquisitionibus quam litteris testimonialibus Georgii Ernesti Remus Doctoris Medicinæ Civitatis Gedanensis morbo huic pro tunc præsentis & assistentis fideliter datis probasse & quasi modo ipso facto abortum causasse, morbum per duodecim septimanas cum periculo vitæ contribuisset.

His omnibus peractis Illustrem Magnificum Wilczewski Judicem Deputatum spatio quatuor horarum in carceribus detentum extitisse, post verò ad spectabilem Weychmann Vicepræsidentem convocasse, & conduxisse, ex eadem indigna actione spectabilem Joachimum Weychmann Secretarium Magistratus Gedanensis collaudasse, Illustrem Magnificum Wilczewski varijs in locis in honore læsisse, prærogativam nobiliarem Polonorum & Illustrium Magnificorum Deputatorum postposuisse, non nullis nobilibus Officialibus & Dignitarijs [contentionum ferendo sifaniam] minatum esse;

Ad hæc post manifestationem per Illustrem Magnificum Wilczewski Judicem Deputatum de sui & totius Tribunalis Regni injuriâ officiose factam, eundem Magistratum Gedanensem & Remanifestatione suâ coram actis civilibus *die 8. mensis Novembris 1762.* anno per sui Agentem Jacobum Salamon facta expressionibus læsivis & illicitis, cumque derogatione competentis tituli adimpletâ, honorem ejusdem Illustri Magnifici Wilczewski tetigisse, atq; post editas respectu præmissorum attentatorum per eundem Illustrem Magnificum Wilczewski ad Judicia Tribunalitia Regni Petricoviensis mente legis & præcipue Constitutionum annorum 1659 *Titulo de vindicandis Injurijs, & 1667 titulo securitatis declaratio, ac anno 1736.* Citationes ad Judicia Tribunalitia Regni postposuisse, mandatum post curiale assessoriale contra prædictum Illustrem Magnificum Wilczewski Judicem Deputatum ullatenus ex Lege ad Forum & Jurisdictionem post curialem in talibus non pertinentem Evocatorium procurasse, & idem non ad possessionem illustri Magnifici Wilczewski, sed ad lapideam Conventus Peplinensis Residentiamq; ejus sine ministeriali exportari jussisse, Foro & jurisdictioni Tribunalitio præsumptuose & arroganter renuntiasse, contumacialiterq; se in ibidem ad ultimarium juris gradum prout & ad præsens se stitisse; Quinimo ad oppositionem Rescriptum à Sacra Regia Majestate suum ad Judicium Petricoviense inhibitoriale contra specificam mentem Legis procurasse, & post trinas infamiarum pœnas in eodem Judicio Tribunalitio Regni Petricoviensis ex parte & instantiâ Illustrium Magnificorum Wilczewskich actorum super eodem Magistratu Gedanensi & ejus Complicibus, Decretumq; executionis in ordine faciendæ, ad suum Judicium pro finali decisione Remissionis ad bona seu villam Pruska Karczma subsecutam. Eundem Magistratum ad impediendum & non admittendum actum subsequendæ executionis centum milites suos Gedanenses cum tormentis ad eadem bona expeditisse, eosdemq; in ibidem per aliquot tempus conservasse, itinerantes homines in vijs publicis circa eadem

bona per eosdem milites impeditos fuisse, post modum eosdem milites de prædictis bonis Gedanum revocasse, subditos tamen eorundem bonorum Pruska Karczmā de forti impugnantione actus executionis, attestante etiam ipso actu executionis, per Officium Castrense-Palatinatus Pomeraniæ Burgrabiale pridie festi Sancti Adalberti Episcopi & Martyris annō currenti cum Remissione causæ suæ ad Judicium in fundo eorundem bonorum expedito instruxisse, & serio admonuisse.

Hisq; omnibus nefandis per Magistratum Gedanensem peractis tranquillitatem publicam, securitatem domuum, personarum, honorum, & præsertim emeriti status nobilitaris, nec non Illustrium Magnificorum Judicum ad Tribunal Regni Deputatorum, actuum Officioforum Legibus provisorum, ipsaq; Leges Regni Sacrosancte observari debitas violasse, Juris, ac Jurisdictionis supremæ Tribunalitiæ rebelles extitisse.

Proinde Judicium supremæ potestatis Tribunalitium succurrendo Legibus Regni taliter per Nobilem ac spectabilem Magistratum Gedanensem vilipensis & violatis, ne tanti ausus & nequissimi excessus in sequelam cedant imo exemplaris poena delinquentium sit metus in omnes reconciliando *convulsas Leges Regni de securitate personarum, domuum, status nobilitaris, Regiorum aulicorum Officialium, actuum Officioforum, & potissimum Illustrium Magnificorum Judicum ad Tribunal Regni Deputatorum sanctitas.*

Pro ejusmodi attentatis licet si eundem Gottlibum Gabrielem Weychmann Proconsulem pro tunc Vicepræsidentē modo Præsidentē Civitatis Gedanensis omnium malorum primò moventem ad Regimen ineptum Pacem internam & securitatem publicam perturbantem per ministrum justitiæ capitē plectendum debuerat esse, Judicium tamen ad mitiora condescendendo, ut enim [cū non valeant mortui] viventes ad extremum suspirium sua lugaant delicta, dentq; testimonia posteris, & doceant Jura ac Leges Regni observari, tam eundem Weychmann, quam alios inquisitionibus redargutos ex clementiā Judicii sui poena mortis condonandos declarat, non nisi in vim ejus poenæ mortis super eodem & toto Magistratu novæ Civitatis Gedanensis poenas personales, & criminales super quolibet delinquente & pro cujuslibet qualitate delicti infra extentendas sententiat, imprimis:

Gottlibum Gabrielem Weychmann nunc Præsidentem, ante hac Vicepræsidentem novæ Civitatis Gedanensis uti omnium inconvenientiarum, violentiarum, tumultuum, in tempestivi partūs, infelicitis morbi Illustri Magnificæ Wilczewska Deputatissæ Marienburgensis promotorem Jurisdictionis Vicepræsidentalis super Nobili Deputato Tribunalitio, Succamerario Sacræ Regiæ Mæjestatis usurpatorem ab Officijs Proconsulatus & Præsidis Gedanensis ex nunc removibilem sententiat, & pro incapaci ad omnes Functiones Civitatis Gedanensis, aliasq; prærogativas quasvis declarat; Nihilominus Vicepræsidentem Weychmann redimendō Caput Turrim Castri Scharszewiensis in Fundo in sex ab actu præsentis septimānis Decreti ingrediatur, ejusq; Sessionem per unum annum & sex septimanas continuet, & expleat, nec non in egressu de turri quinque millia Marcarum Polonicalium parti actoreæ, Judicio verò suo per medium in instanti solvat.

Hen-

Henricus verò Rytlich scriba Vicepræsidis pro tunc conspirator ad omnes infelices progressus circa executionem Illustris Magnifici Wilczewski superius adnotatos per tres, in quibus Foralia exequuntur per Magistratum destinandos in foro magno novæ Civitatis Gedanensis tabulam poenæ receptæ his verbis Germanicè, Polonice, magnis Literis scriptam, videlicet [Causa violentiæ sum Ego], tenens tribus horis persistat, & ab Officio degradetur, Carceresq; prætorianos in eodem termino quo supra ingrediatur, eosdemq; per dimidium anni continuet, & expleat, in egressu de carceribus duo millia marcarum Polonicalium parti actoreæ, Judicio per medium in instanti solvat.

Joannem autem Patzer militum Gedanensem præfectum à Magistratu ad Residentiam Illustris Magnifici Wilczewski pro executione missum post satisfactionem & ad manus sui receptionem summarum unius ducentorum, alterius quadraginta florenorum pruthenicalium per Illustrum Magnificum Wilczewski enumeratarum, in eadem Residentiâ Illustri Magnificorum Wilczewskich sine minimâ ratione per eundem Præfectum non attentis quibus vis militaribus regulis [& nunquam credendum talia barbarica Magistratus Gedanensis habere mandata], fraude & violenter à tergo Illustris Magnifici Wilczewski Judicis Deputati arreptionis, militum ad Succursum plurimarum violentiarum acclamationis, Illustris Magnificæ Wilczewskie Deputatissæ Marienburgensis pro tunc prægnantis protrusionis aliarumq; personarum distinctarum pro tunc præsentium conturbationis & repudiationis, pro militibus ut arripiant Illustri Magnificum actorem acclamationis, ad carceres ejusdem Illustris Magnifici actoris intrusionis, ab Illustri Magnificâ Wilczewskâ in vim exemptionis à carceribus Illustris Magnifici mariti summæ mille florenorû Pruthenicalium emunctionis, militum pro executione ordinationis, Illustris Magnificæ confortis actoris pro tunc prægnantis, & post primas violentias decumbentis oblitâ omni humanitate barbariter disturbance, eidemq; non solum periculum mortis, verum etiam prætempestivi partus, tum magni & infelicitis morbi causationis, eundem prædictum Joannem Patzer præfectum militum Gedanensem de Officio ejus militari deponibilem, & penitus cassabilem, capiteq; plectendum sententiat & decernit. Quatenus eundem ad subeundas poenas & subsequendam executionem criminalem Magistratus Gedanensis cum suis tribus ordinibus in sex ab actu præsentis decreti septimanis ad Officium Castrense Scharfzeviense statuatur sub rigore poena Infamiae tam super Magistratu quàm super eodem Patzer in eodem Officio extendendo, Officium vero Castrense Scharfzeviense pro eodem termino in ordine executionis prævijs solennitatibus subsequendæ etiam extra cadentiam terminorum quærelarum condescendat,

Textor vero sericeus Jacobus Ohl primarum inconvenientiarum fons & origo prætensionem suam coram Vicepræside arroganter promovens, nullo modo solutionem acceptare volens, nisi per decretum Vicepræsidiæ adjudicata fuerit; Pro tali ejusdem pertinaciâ carceres prætorianos Gedanenses in sex ab actu præsentis decreti septimanis ingrediatur, eorumq; sessionem per sex septimanas continuet & expleat; in egressuq; e carceribus poenam quatuor millia marcarum Polonicalium parti actoreæ, Judicio suo per medium sub rigore infra scripto solvat.

Nec non Nobilis ac spectabilis Joachimus Weychmann Secretarius

pro postpositione Statûs nobilitaris, & Illustrium Magnificorum Deputatorum Judicum Regni, irrisioneq; ex iisdem eosdem carceres pretoria nos Gedaneases in eodem termino, quo supra ingrediatur, eorumq; sessionem per sex septimanas continuat & expleat. In egressu verò de carceribus 5. millia marcarum Polonicalium parti actoreæ, Judicio verò suo per medium sub rigore infra scripto solvat.

Quantum attinet pœnas ex demerito supra scripto inquisitionibus contra totum Magistratum novæ Civitatis Gedanensis deducto Legibus Regni & Justitiæ satisfaciendo. Licet si exinde criminales promeruerit pœnas, Judicium tamen cum eodem Magistratu paterne procedendo, non nisi crumenalibus pœnis subesse declarat.

Quatenus non solum Prænobilis ac spectabilis Weychmann ante hac Vicepræses, verum etiam totus Magistratus novæ Civitatis Gedanensis pro arrantiâ absolutâq; potestate ac prædominatione alijsq; demeritis in personis Illustrium Magnificorum Wilczewskich Judicum ad Tribunal Regni ex Palatinatu Marienburgensi Deputatorum peractis, videlicet *pro usurpatâ Jurisdictione civili contra Nobilem Constitutionibus Regni annorum 1520, 1526, 1538, 1654, & inferioribus, ac Statuto Thorunensi vetita & penitus abrogata*, per Magistratum verò Gedanensẽ illicitè sibi appropriata duo millia marcarum Polonicaliũ parti actoreæ, Judicio suo per medium. Pro transmissis per Bedellos Illustri Magnifico Wilczewski non solum Nobili verũ Officiali Regio ac Deputato ad Residentiam citationibus, mille marcas Polonicales parti, Judicio per medium. Pro Decreto Contumaciali super eodem prolato mille marcas Polonicales. Pro delegatiõne Scribæ Rytlich dicti cum decreto Vicepræsidiali non attentata, magis postpositâ Functione Deputaticâ mille marcas Polonicales parti, Judicio per medium. Pro iteratâ delegatiõne ejusdem scribæ cum quinque Bedellis, Stimulationeq; ad satisfactionem per actorem non denegatam duo millia marcarum Polonicalium parti, Judicio per medium. Pro resolutione seu dispositione totius Magistratûs ad perficiendam iteratam executionem tria millia marcarum Polonicalium parti, Judicio per medium. Pro immisis Scribæ Rytlich Præfecto Patzer & quinquaginta militibus ad exequendum Illustrem Magnificum Wilczewski qua Nobilem, qua Officialẽ Regium atq; Deputatum Tribunalitum mille marcas Polonicales parti actoreæ, Judicio per medium. Pro oppugnatione Domûs seu Residentiæ nobilis, & effractione forium violenta per milites perpetrata sex millia marcarum Polonicalium parti, Judicio per medium. Pro coactione violentâ ad solutionem quadraginta florenorum dictorum Straf duo millia marcarum Polonicalium parti, Judicio per medium. Pro arreptione à tergo Illustris Magnifici Wilczewski quatuor millia marcarum Polonicalium parti, Judicio per medium. Pro ineptis insultibus Illustris actoris consorti circa violentam invasionem attentatis tria millia marcarum Polonicalium parti, Judicio per medium. Pro eductione de Residentiâ Illustris Magnifici actoris ad carceres per plateas adductione & intrusione quatuor millia marcarum Polonicalium parti, Judicio verò per medium. Pro incarceratione ejusdem quatuor millia marcarum Polonicalium parti, Judicio per medium. Pro additis militibus ad carceres cum evaginatijs gladijs penes actorem pro Custodia ut non aufugiat adstantibus duo millia marcarum polonicalium parti, Judicio per medium. Pro iteratâ missione ejusdem Patzer, & invasione Residentiæ Illustis actoris pro
tunc

tunc jam in carceribus sedentis tria milia marcarum polonicalium parti, Judicio per medium. Pro detractiōe varijs impertinentijs Illustris Magnificæ Wilczewika pro tunc prægnantis, læsione hospitem tria millia marcarum polonicalium parti, Judicio per medium. Pro acceleratione in tempestivi partus Illustris Magnificæ Wilczewika ex occasione patrarum violentiarum delicato sexui muliebri nocivarum subsecuti septem millia marcarum Polonicalium parti Judicio per medium. Pro circumscriptione Læsivæ actoris coram actis civilibus Stumentibus cum derogatione tituli Functioni Deputatiæ competentis subsecutâ, varijsq; honorem læsivis exprefionibus adimpletâ duo millia marcarum polonicaliū parti, Judicio per medium. Pro exportatione mandati postcurialis Sacræ Regiæ Majestatis in causâ ad forum præsens competenti mille marcas Polonicales parti, Judicio per medium. Pro evocatione ad Judicia Assessorialia mille marcas Polonicales parti, Judicio per medium. *Pro vilipensione Jurisdictionis Tribunalitiæ Regni in causis facti violentiarum & securitatis juxta Constitutiones Regni annorum 1611, 1613, 1659, 1726, & alias* competentis duo millia marcarum Polonicalium parti, Judicio per medium. Pro procuratione Rescripti à Sacrà Regiâ Majestate sistendo disjudicationem præsentis causæ contra exprefsam Legem inhibitorali duo millia marcarum parti, Judicio per medium. Pro abusu militum in oppressionem Statûs nobilitaris oppugnationisq; actorum Officiorum, varijsq; amunicijs bellicis adjuculandum conservatorum tria millia marcarum Polonicalium.

Omnes suprascriptas marcas pro quolibet delicto distinctim adjudicatas, nec non in sublationem trinarum infamiarum ex parte ejusdem Illustris Magnifici Wilczewski suo in Judicio pro tunc Petricoviensi super eodem Magistratu obtentarū supra de actu specificatarum, pro quolibet condemnatione per vadium simplex parti, Judicio per medium idem Magistratus Gedanensis, & quidem Illustri Magnifico Wilczewski hinc & pro Fetiâ secundâ post Festum Immaculatae Conceptionis Beatissimæ Virginis Mariæ anno præfenti proxime incidenti coram actis castrensis Skarżewiensibus sub rigore infra scripto Judicio verò suo in instanti sub poenâ Banitionis ex Registro poenaliū publicanda solvat. Nihil ominis pro litis expensis in causâ præfenti per acta erogatis, atq; rebus mobilibus circa violentam invasionem Residentiæ interceptis, varijsq; damnis ad mentem Legis, præcipue Juris correcti terrarum, & civitatum Prussiæ legitime præteritis ad summam triginta sex millium florenorum Pruthenicalium præciso Juramento ex moderamine Judicij sui ad inventum reductis, summam præmissam triginta sex millium florenorum Pruthenicalium pro eodem termino coram iisdem actis supra scriptis sub rigore infra scripto idem Magistratus Gedanensis eidem Illustri Magnifico Wilczewski solvat.

Jam verò Illustris Magnus Wilczewski intercedendo eundem Magistratum Gedanensem marcas pro parte Judicij adjudicatas suo Judicio in instanti solvat.

Et quoniam verò Illustris Magnus Wilczewski intercedendo eundem Magistratum Gedanensem, ac alios supra scriptos citatos, marcas à Magistratu Judicio suo solvi debitas pro re Judicij ejusdem persolvit, proinde idem Magistratus easdem marcas pro parte Judicij adjudicatas omnes Illustri Magnifico Wilczewski pro eodem termino coram iisdem actis supra scriptis sub rigore infra scripto solvat.

Ut autem plenaria satisfactio praerogativae nobilitari, & auctoritati Judiciariae subsequatur, decernit Judicium: Quatenus idem Magistratus novae Civitatis Gedanensis per duas Personas Consules ex suo Consilio delegatos Pallijs, Lineis consiliorum ornatos ad Residentiam Illustrium Magnificorum Wilczewskich superveniendo, in praesentia quorumvis amicorum & hospitem praevia de die & hora tempestiva avisatione iisdem Illustribus Magnificis Wilczewskim in spatio duodecim septimanarum ab actu praesenti numerando publicam & solennem faciat deprecationem, summamque mille quadraginta florenorum Pruthenicalium injuste extorsam, tum sclopeta per Patzer accepta eidem Illustri Magnifico Wilczewski restituat, idque sub rigore infra scripto coram iisdem actis post expletum spatium in triduo extendendo.

Nihil ominis idem Magistratus Gedanensis ab omnibus insidiosis violentijs tum contra praefatos Illustres Magnificos Wilczewskich Familiam, res merces, & mobilia eorum, quam quovis Nobiles ad mentem Legum supra scriptarum, attentatisque modo quo supra repraesentis usurpato super Nobili Jurisdictione desistat, Legibus Regni, & sibi concessis non abutatur, Ordinationibus Regijs, & Constitutionibus publicis omni modo pareat, Justitiam pacem, & tranquillitatem publicam conservet, Judicium sub paenis contra convulsos Legum sancitis serio admonet, & mandat. Facturi sunt praemissa omnia & singula tam in satisfactione poenarum crumenalium, quam in executione criminalium & personalium Praenobilis ac spectabilis Magistratus Gedanensis cum tribus ordinibus praedictae Civitatis per se & personas in decretum praesens intrantes sub poenis distinctis infamiarum super quolibet contraveniente in terminis suis supra expressis distinctim tam quoad sessionem turris, carcerum, Statutionis spectabilis Patzer praesumendis ex eo paenis superscriptis, quam solutione marcarum vadiorum summarum supra scriptarum pro re Illustri Magnifico Wilczewski adjudicatarum coram Officio & actis Castrensibus Scharfze-wiensibus Palatinatus Pomeraniae.

In casu contra venientionis circa seorsivas Manifestationes contra praefatum Magistratum, omnesque tres ordines Civitatis Gedanensis & personas supra specificatas in distinctis Cathgorijs faciendis publicandas, post quarum poenarum infamiarum in causa praesenti Decreto contravenientes, subsequendas publicationes ad praesentis Decreti exhibitionem ex Requisitione partis actoreae jurevincientis Illustres Magnifici Palatini terrarum Prussiae tanquam Capitanei, sive eorum Officiales convocata per universales litteras suas eorundem Palatinatum Nobilitate, adhibitis etiam copiis militaribus ab Illustribus Magnificis Ducibus exercituum Regni requirendis, sub paenis contra negligentes Officiales sancitis, poenas supra scriptas in Personis Bonisque quibusvis & ubivis locorum existentibus tam communibus totius Civitatis Gedanensis, quam particularebus quam & proprietariis Praenobilium Burgrabij, Praesidis, Vicepraesidis Proconsulum, Consulum & omnium personarum trium Ordinum, nec non aliarum personarum superius specificatarum irremissibiliter exequi, & rigorem usque ad plenariam satisfactionem Parti actoreae extradere tenebuntur. Quam executionem sive traditionem Bonorum subsequendam nemo irritare aut modo quovis impugnare audeat sub libera Captivatione, ac alijs crumenalibus poenis.

Si vero

Si verò Rebelles & inobedientes huic Decreto extiterint, & tunc five in Regno Poloniæ, five in Provincijs ejdem annexis, five in fluvijs, five in mari capi poterint, Personæq; omnium trium Ordinum, familias, eorum, Bona, mercès uti Rebëllium parti actoreæ sequestrare, & exeqi, eosdem uti infames coram quovis Judicio terrestri vel Castrensi, aut Civili vel etiam sculteto Villano capite plectendos permittit, & declarat.

Inquisitiones autem sub Sygillo Judicij terrestris Lublinensis in occluso Rotulo Parti actoreæ extradendas declarat.

Ad extremum quantum spectat actus Magistratûs Gedanensis inve-recunde & illicite usitatos non nulloq; in libris actorum quorumvis reperi-biles Prærogativæ Nobilitari, functioni Deputatiçæ, Officiali Regio au-lico sumopere nocivos intaminatum honorem & bonam famam Illustrium Magnificorum Wilczewskich conjugum lædentes, & ut eorum memoria in perpetuum oblitterata sit, cum fumo levissimò transeundos & perdendos Judicium declarat, decernendo, quatenus supra scriptæ citationes Geda-nenses, Decretum Vicepræsidiæ, nec non Manifestationem coram actis civilibus Stumensibus cum læsione honoris contra Illustrem Magnificum Wilczewski circumscriptive factam cum usurpatione Jurisdictionis civi-lis super personis Nobilitaribus arroganter & impertinenter illatam per Ministrum Justitiæ præviâ acclamatione ministerialis ad sonum tubæ in quatuor angulis Prætorij Lublincnsis cõ burendas in instanti determinat.

Nihilominus Decretum præfatum Vicepræsidiæ & Manifestationem ex parte Magistratûs Gedanensis factam supra adnotatam ad pri-mam requisitionem partis actoreæ five ejus Plenipotentis tam ex actis Gedanensibus, quàm Stumensibus in spatio doudecim septimanarum de-clarat eliminandas, idq; sub pœnis duodecim millium marcarum in casu non eliminationis in spatio duodecim septimanarum subsequētib; post expletum spatium in triduo coram actis Castrensibus Scharfzeviensibus. Publicanda eidem parti extradere permisit.

*Valentinus Siennicki Venator
Terræ Bielscensis Notarius Ca-
strensis Branscensis, Judex De-
putatus Palatinatus Podlachicæ,
Officij Notariatus terrestris Lu-
blinensis locum pro tunc tenens.*



Correxit Rembieliński.

Legit Sarnecki.

Przylączaią się tutaj *Constitutiones Terrarum Prussiae* Konstytucyami Seymowemi Obwarowane, na których fundamencie ten Dekret stanął. Ze Szlachcica Miasta Pruskie bez Urzędu Grodzkiego sądzić nie mają mocy, *sub pœna Capitis*: coż dopiero *in functione* zostającego Deputata.

imo.

Anno 1521. Vol: imo Pag: 396, & 397. Statuta quæ extant Comitij Thorunensibus. Statuimus &c.

1526. Vol: imo Pag: 466. sub Tit: Ordinatio Ducatus Prussiae Gedani.

1527. Vol: imo Pag: 477. sub Tit: quod attinet ad violentias. Incipit, siquispiam Nobilis &c &c.

1538. Vol: imo Pag: 522. sub Titulo autem, formula Thorunice Anno 1520. In hæc verba Incipit. Quia Nobilis &c &c. Statuimus & Ordinamus quod dum aliquis Nobilis in Civitate nostra pro Crimine Violentiae per Officium Civile captus fuerit, ex tunc talis Nobilis detineri in Prætorio Civitatis debet &c &c: Nullum tamen penitus Iudicium faciet, nec aliquam pœnam exiget de eodem Nobili &c &c. Si vero contra præmissa Officium Civile aliquid attentaverit, ex tunc per Capitaneum nostrum Casserensem Proconsul pro tempore existens, cum uno Consule Capi, Decollari, & Capite privari debent.

Eodem Anno Vol: imo Pag: 523. sub Titulo de Iudicio in Civitatibus.

Anni 1538. Vol: imo Pag: 544. sub Titulo Constitutiones Terrarum Prussiae Thorunij, a Sigismundo Rege Confirmatae. Quæ incipit & ut sub Pœna &c &c.

Anno 1633. Vol: 3tio Pag: 797. sub Titulo O Sadach Seymowych y Zadowolonych Quæ incipit, Zabiegając &c &c. A że Miasta Statutu Thoruńskiego tak abutuntur że nie przy Staroście ani Podstaroście *contra mentem Statutu Thoruńskiego* wazą się Szlachcica sądzić, a co większa *in Contumaciam* Szlachtę od Czci odsądzaią czego ani Statut Thoruński ani żadne Prawo im niepozwoiliło, takie naprzod Dekreta ferowane kassuiemy y annihiluemy, a żeby to napotym nie było, *Authoritate Convēntus præsentis* postanowiamy *sub pœna Capitis* na tych którzy by się tego wazyli.

2do, Co się tycze Deputata,

Wiadomo każdemu iaka *securitas* Posła Deputata Zony Dzieci y Sług Ich, wraz z Senatorami tylu Konstytucyami iest obwarowana.

3tio. O Sługach Krolewskich.

Constitutiones Civitati Gedanensi przez Krola Sigismonda Augusta *præscriptæ & Authoritate Comitiorum Varsoviensium Confirmatae*:

1570. Pagina 812. Vol: 2do sub Titulo *De personis Exemptis* tak Miastu Gdań-

Gdańskowi rozkazuje *Personas Peculari S. R. Mtis Privilegio de ejusdem certa scientia & uoluntate exemptas, præsertim eas quæ operas suas S. R. Mtis præstant, vel quouis cunque modo apud eandem in janulatu sunt, nemo in Civitatibus turbare ne dum in Criminalibus Cujuscunque Tituli Magistratus etiam Officij Burgrabiatus prætextu, Judicare deniceps præsumat; sub Pænis in ejusdem exemptionibus & aliis in violatores protectionis Regiæ legibus constitutis: [Pussunt autem ratione Contra-ctus,] nisi Nobilitatis Jure gaudeant &c.*

4to. De Foro na Trybunał.

Lubo Miasło Gdańsk broni się Konstytucyą 1611 mówiąc Mieszczanie *coram Magistratu, Magistratus autem coram Rege* sprawować się mają, dokłada iednak te słowa *exceptis ijs causis* które są Prawem opisane.

Jako to *Crimen Lesæ Majestatis*, popełniony przeciwko Senatorom, Posłom, Deputatom, na publicznych funkcjach zostającym, które *ex vi recentis Criminis in quouis foro* sądzone bydz mogą co wykłada Konstytucya 1678. Vol: 5to fol: 556. sub Tit: *Evocatio extra For.*

Udał się także do Konstytucyi 1633. *Actor sequitur forum Rei.* Ale y ta Exepcią czyni *Causas Injuriam ac in Causis cædis & sanguinis.* A do tego niechay przyndą do wierszu 28. wtey że samey Konstytucyi która tak im zabrania Szlachcica sądzić, że nakazuje *sub præna Capitis* ieżeliby się ważyli bez Starosty albo Podstarościego sądzić.


Konstytucya 1659. Vol: 4to Pag: 597. Także Mieszczanie wszyscy Mieszkający po Miasłach, Fortecę mających. O wszelkie krzywdy, sprawować się powinni, o które im *forum* w Trybunale Koronnym *ex Cruda Citatione* powagą tego Seymu naznaczamy. Taz sama Konstytucya, Konstytucyami późniejszymi *in toto* jest Reassumowana..

Anno 1607. Vol: 2do Pagina 1612. Seymu Warszawskiego nakazał *positive* Miasłu Toruniowi, za wiolencye uczynione Szlacheckiey młodzieży u OO. Jezuitów w Szkołach będących, *Forum Trybunał* y tak mowi, a ieżeliby się tego na potym ważyli tedy *Magistratus Civitatis cum ordinibus & Communitate, ex Officis* na Trybunale Koronnym, *inter Causas Officij peremptorie* odpowiadać, & *pæna de invasionibus Domus Nobilium sancita*, karani bydz mają.


Coż dopiero o Deputatach Konst: 1726. wyznaczyła *Registr Dire-cti Mandati, Violatæ securitatis, Gravis excessus Recentis Criminis. &c.*

Niekaże w prawdzie Konst: 1673 Deputatowi w tym Trybunał w którym Deputatem iest nikogo ewokować ale mowi *Exceptis Causis Violentiarum in Persona Deputatæ* Małżonki, Dzieci, Sług y Dobr Jego &c.

Przywileje Królewskie albo *Immunitates Civitatum* nie daley exendere się mogą tylko tak daleko jak Konstytucye całej Rzeczypospolitey im obwarowały. Ponieważ wszystkie Przywileje Królewskie co się ty-cze Statum, z Królami absolutnemi ustały, y bez approbacyi całej Rzeczypospolitey waloru żadnego mieć nie mogą.



ie-
no-
ace
aby
eli-
ie,
ow,
ch:
ych
ktò-
onal-



Biblioteka Jagiellońska



stdr0024299

